

12 Disember 2020  
**HOLDING STATEMENT**

## **PENUTUPAN SEMENTARA PUSPAKOM JOHOR BAHRU DAN PENANGGUHAN PERKHIDMATAN BERGERAK DI JOHOR BERIKUTAN PENULARAN JANGKITAN COVID-19**

*Shah Alam, 13 Disember 2020* - Seorang kakitangan PUSPAKOM Johor Bahru telah disahkan positif COVID-19 dan beliau kini sedang mendapatkan rawatan dan dikuarantin di sebuah hospital kerajaan. Proses pengesanan kontak juga sedang dijalankan dan semua kakitangan cawangan juga akan menjalani ujian saringan Covid-19, sementara mereka yang berhubung secara langsung dengan pesakit tersebut telah diarahkan untuk menjalani kuarantin selama 14 hari.

PUSPAKOM telah mengambil langkah menutup cawangan Johor Bahru termasuk Perkhidmatan Van dan Trak Bergerak (MVS & MTS) di Johor serta merta dan tiada operasi mulai Ahad, 13 Disember 2020 bagi melakukan proses sanitasi dan pembersihan secara menyeluruh..

Sebagai alternatif, pelanggan boleh menjalani pemeriksaan secara walk-in di cawangan seperti berikut:

<b>Kategori Kenderaan</b>	<b>Cawangan Alternatif</b>
<b>Kenderaan Persendirian</b>	PUSPAKOM Senai PUSPAKOM Taman Daya
<b>Kenderaan Ringan (BDM &lt; 6,000 kg)</b>	PUSPAKOM Senai PUSPAKOM Kluang
<b>Kenderaan Berat (BDM &gt; 5,999 kg)</b>	PUSPAKOM Pasir Gudang PUSPAKOM Kluang

Pembukaan semula PUSPAKOM Johor Bahru dan Perkhidmatan Van dan Trak Bergerak (MVS & MTS) di Johor akan dimaklumkan kelak. Pihak kami akan mendapatkan nasihat dari Jabatan Pengangkutan Jalan berkaitan kelonggaran pembaharuan permit untuk kenderaan yang tamat tarikh pemeriksaan dalam tempoh operasi ditutup.

Bagi pelanggan yang mempunyai temujanji di PUSPAKOM Johor Bahru, semua bayaran temujanji pemeriksaan yang telah dibuat akan dipulangkan secara automatik. Manakala bagi temujanji Perkhidmatan Van dan Trak Bergerak (MVS & MTS), penjadualan semula akan dibuat dan dimaklumkan kepada pelanggan melalui panggilan telefon.

PUSPAKOM akan sentiasa bekerjasama rapat dengan Kementerian Kesihatan Malaysia dalam menghadapi gejala ini. Sebarang maklumat terkini akan dimaklumkan kepada pelanggan dari semasa ke semasa.

---

## **MENGENAI PUSPAKOM**

***Puspakom Sdn Bhd (PUSPAKOM)** merupakan syarikat pemeriksaan kenderaan yang pertama dan satu-satunya yang dilantik oleh Kerajaan Malaysia untuk menjalankan semua pemeriksaan mandatori bagi kedua-dua kenderaan komersial dan persendirian. Ditubuhkan pada tahun 1994, kami adalah anak syarikat milik penuh DRB-HICOM Berhad.*

*Peranan utama kami adalah untuk menjalankan pemeriksaan ke atas kenderaan untuk membantu pemilik kenderaan dalam memastikan kenderaan berada di dalam keadaan yang selamat untuk dipandu di atas jalan raya serta memastikan pemilik kenderaan mematuhi peraturan-peraturan dalam memelihara alam sekitar melalui ujian pelepasan asap. Ini akan dilakukan melalui pemeriksaan yang ketat dan teliti terhadap kenderaan untuk memastikan mereka mematuhi peraturan keselamatan Kerajaan.*

*Setiap tahun, PUSPAKOM menjalankan lebih daripada 3 juta pemeriksaan kenderaan. PUSPAKOM mempunyai rangkaian di seluruh negara di 54 pusat pemeriksaan yang dilengkapi peralatan yang diiktiraf dan dikalibrasi oleh pihak berkaitan dari semasa ke semasa. Selain itu, PUSPAKOM juga mempunyai lebih daripada 25 pemeriksaan secara lawatan yang menyediakan perkhidmatan pemeriksaan kenderaan di kawasan kurang penduduk dan di luar Bandar.*

*Perkhidmatan Pemeriksaan Bergerak PUSPAKOM terdiri daripada Unit Bergerak Trak, Unit Bergerak Van dan Unit Bergerak Ringan, menyediakan perkhidmatan pemeriksaan kenderaan dari pintu ke pintu kepada pelanggan individu dan korporat kami. Kami bangga memberikan perkhidmatan pemeriksaan kenderaan yang cepat, cekap dan tepat secara profesional.*



Ahli Kumpulan



**Untuk maklumat lanjut, sila hubungi:**

**Leong Pei Yee**

Ketua, Jabatan Komunikasi dan Khidmat Pelanggan  
PUSPAKOM  
Tel: 03-2052 7465

**Eily**

Jabatan Komunikasi dan Khidmat Pelanggan  
PUSPAKOM  
Tel: 03-2052 7322

**Mohd Izzat Intanjudin**

Eksekutif Kanan, Jabatan Komunikasi dan Khidmat Pelanggan  
PUSPAKOM  
Tel: 03-2052 7464